

0.0.1 saṅgaṇikārāma suttam

0. sāvattthinidānaṃ

1. so vata bhikkhave bhikkhū saṅgaṇikārāmo saṅgaṇikārato¹ saṅgaṇikārāmatam anuyutto, gaṇārāmo gaṇarato gaṇārāmatam anuyutto eko paviveke abhira-missatīti netam ṭhānaṃ vijjati. eko paviveke anabhira-manto cittassa nimittam gaṇhissatīti² netam ṭhānaṃ vijjati. cittassa nimittam agaṇhanto sammādiṭṭhiṃ pa-ripūressati'ti netam ṭhānaṃ vijjati. sammādiṭṭhiṃ apa-ripūretvā sammāsamādhim paripūressatīti netam ṭhā-naṃ vijjati. sammāsamādhim aparipūretvā saññoja-nāni³ pajahissatīti netam ṭhānaṃ vijjati. saññojanāni appahāya nibbānaṃ sacchikarissati'ti netam ṭhānaṃ vijjati.

2. so vata bhikkhave bhikkhū na saṅgaṇikārāmo na saṅgaṇikārato na saṅgaṇikārāmatam anuyutto, na ga-ṇārāmo na gaṇarato na gaṇārāmatam anuyutto, eko paviveke abhiramissatīti. ṭhānametaṃ vijjati. eko pa-viveke abhiramanto cittassa nimittam gaṇhissatīti ṭhā-nametam vijjati. cittassa nimittam gaṇhanto sammā-diṭṭhiṃ paripūressatīti ṭhānametaṃ vijjati. sammā-diṭṭhiṃ paripūretvā sammāsamādhim paripūressatīti ṭhānametaṃ vijjati. sammāsamādhim paripūretvā sañ-

¹saṇ gaṇikarato machasaṃ.

²gaḥessatīti machasaṃ.

³saṃyojanāni machasaṃ.

ñojanāni pajahissatīti ṭhānametaṃ vijjati. saññojanāni
pahāya nibbānaṃ sacchikarissatīti ṭhānametaṃ vijjatī'ti.